

CYFARWYDDID

IR

CYMRU.


A ysgrifenwyd yn

1655.



---

Printiedig yn *Llundain*,  
1657.





# CYFARWYDDID IR CYMRU.

1. **Y** Cymru hawddgar : Mae llawer yn achwyn fod cimaint o opiniwnau a chroes ffyrdd i droi oddiar lwybrau'r bywyd i gromlechyd angau, nad oes mo rai yn meiddio tramwy ymlaen. Ond ith gyfarwyddo di, wele Dyma air o *banes yr Oen, a banes yr enaid, a banes yr Oen ar enaid yngbyd*. fe a ddangosir i ti yn gyntaf, o bale yr wyti yn dyfod, i bale yr wyti yn myned, Pa fodd y daeth y fath ymryffon  
G ynot

(2)

ynot ti ag ymysg dynion, a phabryd y rhennir y cwbl yn ddau opiniwn, fel yn ddau feddwl gwreiddiol tragwyddol. Pa ffordd iw llwybr yr Ailenedigaeth ynghrist. Mi ymresymat ath di er mwyn i ti ymresymu ath di dy hunan, canys os adnabyddi dy hunan, di a gydnabyddi DDuw ar Oen hefyd ynghyd gidath di.

2. Mae genit ti etifeddizeth o dair rhan, sef ysbryd ag enaid a chorff. Dy ysbryd di a ddaeth or Tad fel rheswm or meddwl fel gair or galon, fel gwreichionen or eirias, fel ffynnon or mor, neu fel anadl or genau, yr hwn a chwythwyd i gorph dyn allan o fonwes Duw, ag sydd i ddychwelyd eilwaith iw fonwes ef, yr hwn sydd yn presswyllo mewn plas a elwir tragwyddoldeb. Dy enaid hefyd iw r ysbryd naturiol a grewyd or elementau anweledig, yn ôl naturiaeth y telpyn pridd, yr hwn y  
mae

(3)

mae fo yn lleteua ynddo; er hyny  
mae 'r enaid yma yn ffurfiwr ir  
corph, ag yn i agweddu yn ol ei  
feddwl, i aros yn ei hafod-ty gorph-  
orol dros amlser. Ag etto cwlwm iw  
'r enaid yma rhwng yr ysbryd ar  
corph, a phan wisger ef allan drwy  
gletydau, neu i dorri ffordd arall,  
mae 'r ysbryd yn ymollwng oddi-  
wrth y corph i mewn, fel gwr yn  
myned oddi cartref. Canys ysbryd  
y bywydau ( medd Moesen ) a  
anadlwyd i ddyn, ag nid vn ysbryd  
bywyd yn vnig, fel y darllenwch  
chwi. Mae mewn dyn y naill beth  
or tû fewn ir llall, fel or vn pren y  
mae bywyd sugn, corph calon y  
pren, ai risglin. Aun hyny meddaf  
nid iw'r corph ond rhisglin y pren,  
neu grustyn dyn, neu ddeilien i  
gwynpo ir ddayar dan draed. Ag  
fel y mae'r ddayar megis pwll yn  
agoryd ei cheg i lyngcu yr holl  
gyrph ( y glandeg fel y gwrthyn )  
felly y mae vffern yn ymrythu am

yr holl encidiau cnawdol. Ag yma  
y mae dirgelwch.

3. Fe ysgrifened hyn yn helac-  
thach attat, ped fai gennad oddi-  
fewn, ath glust dithau wedi i chlo-  
ddio yn ddyfnach. A ddarllenno  
dealled, A ddeallo dilyned yr hyn  
a wyr ynddo ei hun, ag fe gaiff  
oleuni 'r haul yn lle goleuni 'r lle-  
uad ar fêr yn y galon. Ond nag  
anghosied hyn, fod ysbryd ynddo  
yr hwn oedd ymmonwes Duw eri-  
oed, ag a bery cyd ag y parhatho  
Duw a dim, a hyny iw byth. Pa le  
yr oeddit ti (medd Duw) pan syl-  
faennis i y byd mawr yma? Atteb  
o: gwr o ddyfsg wyt. Fe ddyscodd  
yr ailenedig atteb. Yr oeddwn i yn  
dy lwynau Arglwydd, fel plentyn  
neu gangen yn y gwreiddyn.  
Canys Duw iw tād yr ysbrydoedd,  
ag Arglwydd Dduw ysbryd pob  
cnawd.

Er bod dyn yn gwybod i fod ef  
yn bechadur fisoedd cyn i ddy-  
fod

(3)

fod i'r byd, Ni wyr ym mha fangre  
yr oedd ychydig flynyddoedd cyn  
i eni. Nid i'w naturiaeth ond cys-  
god y naturiaethwr. Ag ymbell a  
genfydd hyn drwy 'r goleuni trag-  
wyddol, pa fodd y lluniwyd ef  
ynghroth ei fam a pha ham: Oble-  
gid mae ysbryd Duw yn chwilio  
dyfnion bethau Duw a dyn, ag os  
hwn a ddyfsg, fe all dyn drwyddo  
weled mwy nag a ganfyddai cer-  
ddwr Israel yr hwn (yn ei amser)  
a ddywedodd. Ô mor rhyfedd  
ag mor ofnadwy im gwnaed? Mae  
pob peth o Dduw, ag fel y daeth,  
felly y dychwel medd Salomon,  
naill ai i'r llid ai i'r cariad tragwy-  
ddol.

4 Ond (meddi di) A ddaeth neb  
allan o hono ef yn ei ddigofaint.  
Yr ateb yw. Er dyfod y rhan  
fwyaf allan o'r natŵr dragwyddol  
mewn cynhyrriad tânlyd, etto ni  
ddaeth neb allan o Dduw mewn  
digter. Canys cariad i'w Duw ag  
nid

(6)

nid oes dywyllwch ynddo. Os  
ystyriol wyt ag ysbrydol, deall y  
gwahaniaeth. Ond ni ddichon  
ysbryd dyn ddeall mo bethau  
Duw, ag nes iddo gael yspryd Duw,  
ni fedr et ganfod o ba le i daeth.

5. O enaid. I ba le yr wyt ti yn  
myned? Ni wyddost di mo hyn  
chwai h, mwyna gwr ar ei daith, pa  
le y lleteua, na pha gwmnhia i cyfer-  
fydd. Nhw ddywedant ynghymru  
*fe wyr pan el ni wyr pan dael.* Ond  
am yr enaid, ni wel o ba le i daw  
nag i ba le i'r â. Hynod iw hyn, mai  
i'r bedd ar ddayar y'r â'r enawd, ar  
an idl enawdof i'r chwalfa, y corph  
a brofir yn ffwrn y bedd, yr enaid  
a ymlyn wrth yr ysbryd (yr hwn  
iw calon y pren) ar ysbryd a erys  
byth yn y naturiaeth a chweny-  
chodd ef fwyaf. Y corph mid iw  
ond megis ersyn yn llaw yr enaid  
ffurfafennol. Yr enaid nid iw ond  
anadliad yr ysbryd dirgelaf. Yr  
ysbryd iw'r droell boddifewn syn  
troi



(:)

troi 'r enaid ar corph llei mynno,  
am a allo. Y corpwys iw 'r brethyn  
o amgylch dyn, yr enaid sydd me-  
gis y corph yr hwn a wisgwyd a  
phridd, ond yr ysbryd iw canol y  
creadur.

6. Mae dyn ar i redeg yn y  
bywyd yma, ag mae ai cyferfydd  
ag a ofyn iddo. I ba le y mae yr  
enaid ar ysbryd yn myned? Pa  
elw sydd i ddyn ddawnfio a mynd  
i lawr i bwl diwaelod mewn dif-  
yrrwch amferol? Oni chosba Duw  
di am i ti ledratta dy galon oddi-  
wrtho? A wyt ti yn meddwl mai  
byrr iw Byth, ag mai hir iw einioes  
dyn dayarol? Ai gwell genit ti  
ddioddef taranau digofaint cyfi-  
awnder byth, gida gwawd y cy-  
threuliaid (am it fyw mewn pe-  
chod fel nhwythau) na dioddef  
gwatwar dynion dros fynud awr  
yma? Onid Duw iw 'r Câr gorau,  
argelyn gwaethaf? Pam yr wyti  
yn porthi dy gnawd i newynu dy  
enaid

enaid? ag yn llochi dy enaid, neu  
 dy reswm cnawdol i ddifetha dy  
 ysbryd? Mae gwybedyn ar dy  
 ffordd di yn dy rwystru i ddaioni,  
 ond ni all Angel Duw moth  
 rwystru i'r pechod. A wnaeth Christ  
 y cyfan drosot ti? Ag oni chlywi  
 di ar dy galon wneuthur dim  
 drosto fo? A ddioddefodd vnig  
 fab Duw golli gwaed ei galon (yn  
 yr hon yr oedd y bywyd ei hunan)  
 ar cwbl drosot ti? Ag oni ddio-  
 ddefi di ddim er ei fwyn ef, neu  
 (or lleiaf) er mwyn dy enaid dy  
 hun? A ollongi di 'r Aur ysbrydol  
 o'r law i lenwi dy law ath feddwl  
 yn llawn ar bryntni? A golli di  
 ysbryd y bywyd tragwyddol i  
 gael y dim amserol? Beth uneddi  
 di sydd lai na Dim? Yr holl fyd  
 amserol sydd lai na Dim (medd  
 Esay) yngolwg Duw. Ag a ofni  
 di (neu a ofeli di) am y peth sydd  
 lai na Dim? A hoffi di 'r byd ai  
 ehwant yr hwn wedi i roddi oll

(9)

yn ghyd fydd lai na dim medd yr  
yscythurau sanctaidd ? (canys y  
byd ai chwant fydd yn myned  
heibio, a chwant y byd iw ysbryd  
difyr y naturiaeth yn yr hon yr  
wyti yn byw) Pam nad wyti yn  
edrych mewn pryd beth a ddaw o  
honot ti pan llofir (pan ddiddimir)  
y byd? Eistedd di ychydig ag aros  
mewn dealldwriaeth a meddwl am  
dy ddiwedd cyn iddo ddyfod ;  
Ai gwell genit ti gyfsgu dros fynyd  
awr, ag yno deffro yn y tân tragw-  
yddol na deffro yr awron, a myned  
allan oth ewyllys dy Hunan i ochel  
y tân aniffoddadwy ? Pam yr wyti  
yn eistedd ynot dy Hunan gartref  
(oddicartref oddiwrth Dduw) yn-  
ghornel sinne dywyll dy feddwl  
dy Hunan, heb ymosyn am y Duw  
byw nag ynot dy hunan nag mewn  
eraill chwaith ? Pam yr wyti etto  
yn ymborthi ar y cibau gida'r  
môch, a digon o fara yn nhy dy  
Dad yn aros am danat ? Pam yr

H

wyti

wyti yn rhedeg gidag anifeiliaid  
 gwylltion, sef dynion drygionus, ag  
 yn troi heibio, drwy wrthod  
 cwmnhi angelion sanctaidd Duw?  
 Pam yr wyti yn ymdreiglo yn  
 nhommen y byd ar cnawd, ag yn  
 diflasu y Manna ar bywyd a bery  
 byth? Pam yr wyti yn ynfydu ar  
 ol pibellau y gwagfoneddigion a  
 rhesymau cythreuliaid, ag yn di-  
 ystyru llais mawr Duw, yr hwn  
 athfarna pan na alio neb ddadleu  
 drosot? Ai Luciffer (gwalch y byd  
 hwn) sydd yn dy ddal di fyth ag  
 etto yn ei ewinedd? A ydiw  
 cadwyn gadarn dy ewyllys di dy  
 hun yn rhwymo dy feddwl? A oes  
 vn pysygwr yn Gilead, nag vn  
 gydwybod yn dy fonwes? A oes  
 neb a fedr ddangos y ffordd iti?  
 neu yn hytrach, a wyti yn ymroffyn  
 am dani? Beth wyti well er dy  
 lyfr gwasanaeth? ath di fyth yn  
 caru gwasanaeth y pechod. Mae  
 ffordd well, ped ffaith ti yn i hymo-  
 fyn

(11)

fyn i ti i weled iechydwrïa yn y  
tragwyddoldeb. Pa le y byddi di  
ymhen mil o flynyddoedd? Gadel  
ar Dduw (meddi di) ond mae  
Duw yn gadel arnat tithau, heb  
ewyllysio marwolaeth y pechadur?  
Dyma ganwyll i ti (ô enaid anwyl)  
ith gysuro ag ith gyfarwyddo.

7. Ond di a ofynni i mi (wedi  
hyn i gid) ni wn i pa ffordd a gy-  
meraf. Mae cimaint o opiniwnau  
yn y byd ag sydd o wallt ar fy  
mhen i: Bei gwyddwn i y ffordd  
orau or cwbl, mi ai dilynwn hyd y  
diwedd drwy help Christ. Ond  
mae'r naill wr duwiol dyscedig yn  
erbyn y llall, ag mae nhwy i gid  
yn byw yn dda. Ond ith ateb  
di ô Ddyn. Wele di a wyddost  
fwy nag yr wyt ti yn i wneuthur,  
ag mae mwy o nerth Duw gidath  
di i wneuthur nag yr wyti yn i  
arferu, Nid oes gan ddyn *o hono ei*  
*human* na goleuni na nerth nag  
ewyllys i ddaioni, ond mae gan  
H a ddyn

ddyn ~~addo~~ *addo ei bunan* fwy o oleuni  
ag o nerth oddiwrth Dduw (yr  
hwn sydd yn bywhau pob peth)  
nag y mae'r dyn yn i arfer. Arfer  
y dalent a roddwyd i ti (hyd yr  
eithafodd) ag di gei adnabod y  
wir ffordd nesol frenhinol, ymysg  
yr holl lwybrau eraill.

8. Os byddi di ffyddlon i Dduw  
gan ei groesatu yn llestr dy gyd-  
wybod oddifewn, drwy fod yn  
gymeradwy genit gadw Duw yn  
dy wybodaeth, efe ath arwain di i  
adnabod Christ a hanes yr oen ar-  
enaid ynghyd. y roen yma iw go-  
leuni dynion, a bywyd y Byd.  
Hwn oedd ddifyrrwch y Duw  
anfesurrol cyn dechreuad y byd.  
Hwn oedd y Gair a wnaeth bob  
peth yn y dechreuad, Hwn iw'r  
golofn ddifedur sydd yn cynnal  
pob peth. Hwn a wnaethpwyd  
ynghyflawnder amser yn gnawd  
ag yn naturiaeth ddynol. Hwn  
a ddioddefodd dros ddyn waeth-  
af

af digofaint; Dyma 'r hwn oedd  
 vwchlaw pob peth, ag a ddesyn-  
 nodd iſlaw pob peth, fel y galle ef  
 eſcyn eilwaith yn greaduriaidd  
 vwchlaw pawb, i fod vwchben pob  
 enw, er mwyn iddo lenwi pob peth  
 Hwn ſydd ymhob dyn fel y mae  
 fo yn Air Duw, a chida 'r rhai  
 ſydd yn i vſyddhau fel brenin, ag  
 yn darcſtwng ei hewyllys i angau  
 'r groes, i fyw yn ewyllys Duw.  
 Hwn meddaf a ddywaid. Os oes  
 neb a fyn wneuthur ewyllys fy  
 nhâd, efe a gaiff wybod am y  
 ddysceidiaeth ag adnabod pob  
 llwybr daionus.

9. Deall hyn hefyd ynghylch  
 y ddau Adda, y pren cyntaf a  
 blannodd Duw ymmharadwys,  
 ar Ail Adda Chriſt Jeſu, yr hwn a  
 blannodd Duw yſt ein cnawd ni.  
 Yr Adda cyntaf a bechodd  
 (ninnau oeddem yn ſylweddol  
 ynddo ef, ag a bechafom cystal ag  
 yntau) am hyny y mae ei natur



front ef yn deilliaw i ni drwy enedigaeth o oes i oes. Ag ni chyfrifasai Duw byth moi bechod ef i ni, oni bai ein bod ni ynddo ef y pryd hwnnw yn pechu (fel Llei yn *Abraham*) ag yntau ynoin nin-nau yn pechu etto. Canys oni bai yn bod ni yn bwytta y ffrwyth gwaharddedig yn Adda, ni buasai ar ein dannedd ni mor dingcod. yr vn modd hefyd y mae i ni ddeall yr Ail Adda a marwolaeth Christ? yr Ail Adda a ddioddefodd, ag yr oedd yr holl rai cadwedig ynddo ef y pryd hwnnw, ag ir rhain y mae yntau drwy genhedliad yr ail enedigaeth yn deilliaw, ag yn danfon ei ysbryd glan, set anian Duw. Ag ni chyfiawnheir neb, ond y rhai ynddo ef a ddioddefasant gydag ef, yn y rhai y mae yntau yn byw i Dduw. Felly dyma'r ateb i ti enaid truan yr hwn wyt yn ymosyn y ffordd. Yr vn'g ffordd ir net iw'r ailenedigaeth



gaeth yn yr Ail Adda. Heb hyn nid oes wr o ddealldwriaeth ar wyneb y ddayar. Oni chlywaist di nad oes vn gwr o ddyfsg dan yr haul? Nag oes, vn ond Christ, y gwr sydd yn aros ynghalonnau ei ffyddloniaid sanctaidd. Oni wyddost di beth a ddywedodd Esay. Pe baent ynfydion ar ffordd ddieithr ni chyfeiliornant, os byddant fodlon i Ghrist ynddynt iw rheoli.

10. Rhaid iw dangos hefyd Pam y mae cimaint o ffyrdd yn lle vn ir nef ymysg plant Adda, a pham y mae dynion yn ymrafaelio fel brodyr Joseph wrth geisio mynd adref at y tad Jacob. Fel hyn y mae 'r peth. Dyn (neu Adda) a wnaed ar y cyntaf yn ddelw ir Gwneuthurwr, yr ysbryd ar ei lun ef, yrenaid ar ei ddelw ef, ar corph or ddayar. Ond Adda y gwreiddyn, a ninau oll ynddo ef (fel canghennau yn ei gwraidd)

a gafodd gwymp a chodwm tosturus erchyll, *oddiar Graig yr Oesocdd, i bŵll y dyfnderocdd.* Ag yn y cwymp yma fe a ymrannodd ynddo ei hunan, fel y gweli *lestr pridd* wrth ei gwymp yn mynd yn ddarnau. Ynddo ef yr ymagorodd yr cwyllys ar gydwybod ar gwyniau ar rhesymau y naill yn erbyn y llall. Yn ei gorph ef hefyd yr ymddangosodd y ddayar ar tân ar dwfr ar awyr mewn rhyfel i farwolaeth (canys cyn y cwymp roedd yr ymryson yn guddiedig) Ag er bod y rhain yn ymladd ymhob vn o blant Adda (sef ynghorph pob dyn) etto ni all y naill fod heb y llall er hyny. Ag dynma wreiddyn clefydau 'r corph ag achos angau naturiaeth (fel y mae 'r ymryson arall oddifewn.) Ag fel y mae 'r Môr afreolus wedi gwahanu y naill ynys oddiwrth y llall, felly y mae 'r pechod (a thywysogion yr awyr ynddo) wedi didoli dyn oddiwrth

eddiwrth vndeb Duw, wrth rannu  
 dyn ynddo ei hun, yn gymnynt nad  
 oes dyn yn y ddayar yn medru  
 cydtuno ynddo ei hunan, yn ei  
 gorph ai gydwylbod, ai feddyliau ei  
*Hunan*: Ond mae ei resymau ef yn  
 ymrafaelio, ag yn curo y naill y llall,  
 fel y gweli di ganghennau yr vn  
 pren tra fo y dymhestl arnynt. Am  
 hyny Dau sydd yn erbyn tri, a thri  
 yn erbyn dau yn yr vn enaid, cystal  
 ag yn yr vn teulu.

11. Nid oedd ond vn Jaith ar y  
 cyntaf yngeneuau dynion; A hono  
 o achos balchio or bobloedd yn ei  
 Hundeb a holldwyd yn yscyrion  
 lawer, fel nad iw 'r cymru chwaith  
 inwy nag eraill yn deall moi  
 gilydd, na nemor vn yn deall ei  
 holl eiriau ei hun wrth ei gymydog  
 llo o lawer beth y mae 'r galon yn  
 i chwedleua ddydd a nos. Ag wedi  
 danfon y plant i yscolion llygredig  
 i gasglu rhai o flodau 'r ieithoedd,  
 mae ei briallu hwynt yn gwywo

cyn y delont adref at Dduw, neu  
 atynt ei hunain. Er darfod iddynt  
 ddisgu canu llawer cainge ar delyn  
 tafodau gwahanedig naturiaeth,  
 maent bellach bellach, yn lle bod  
 nes nes, i ganu i Dduw gerdd wrth  
 ei fodd, am nad iw fo yn chwen-  
 nych clywed vn iaith mwy nai  
 gilydd, ond peraidd dafodiaith ei  
 ysbryd glan ei hun yn y galon  
 isel.

12. Nid oedd ond vn grefydd ar  
 y cyntaf ymmonwes Adda, yn  
 Aberth Abel, ymmywyd Enoch,  
 yn Arch Noah, yn pheulu *Abraham*,  
 ag ymysg y rhai cadwedig, Ond  
 yr awron, ni a welwn, mai pan  
 godo 'r mwg or pwll diwaelod,  
 llawer a goethant ar ei gilydd heb  
 fawr yn beio fwyaf ar eignawd ai  
 enaid ei hun Rhai yn dilyn y  
 Pâb ar budredd, eraill ffydd ei  
 brenin, beth bynnag fo hi: Rhai yn  
 cadw ei gwylliau, eraill yn dilyn ei  
 tadau (i bale bynnag yr aethont.)

Rhai

Rhai yn eistedd yn ilonydd ag yn  
 pydru yngharchar y tywyllwch ar  
 cyndynrwydd, llawer yn dilyn  
 Mahom neu Mammon, ar rhan  
 fwyaf yn myned ar ôl y tywyflog  
 garw Luciffer, ag yn dawnio yn  
 ddifyr yn chwantau'r cnawd ar ol  
 ei bibell ef, Ag er hyny yn breudd-  
 wydio y cânt fyned yn vnion ir  
 nef, ag yn gweddio am awr dda,  
 heb ymosyn am naturiaeth dda  
 oddiwrth Dduw. Fel hyn y mae  
 'r holl fyd yn i twyllo ei hunain,  
 yn ymladd ai gilydd, yn tristhau  
 yspryd Duw, ag yn peri ir cyth-  
 reuliaid chwerthin with edrychar  
 ei hynfydrwydd. Ond ni phery  
 hyn nemoro oriau, Canys mae'r  
 fwyddog mawr, sef mab Duw,  
 wrth y drws. A phan ddeli mewn,  
 ag ymddangos yn y byd yma, fe  
 orchymyn gasglu yr holl ddefaid  
 ynghyd ar y naill law iddo, ar holl  
 eifr ar y llaw arall. Ag yno y  
 terfynir yr holl ymraniadau neill-  
 duol

duol ag ai llyngcir yn yr vn dido-  
liad yma. Tyred Arglwydd Jesu  
Tyred chwippyn. *Amen.*

13. Am yr hyn a ysgrifennwyd  
yma or blaen, fe allai na ddeallidi  
ar y cyntaf mor meddwl, ond yr  
wyfi yn deisyf arnat ochelyd  
barnu heb ystyr, rhag cwympo o  
honot i fysg yr *rhai sydd yn cablu yr  
byn ni wyddant, ag yn cysarib yr  
byn ni ddeallant.* Hyn sydd eglur,  
nad oes neb yn gadwedig ond  
drwy ffydd ynghrist, ag nad oes  
gan neb iawn ffydd, ond y rhai  
sydd yn bodloni Duw, ag  
nad oes neb yn i fodloni ef  
ond y rhai sydd debig iddo.  
Wedi i hail-wneuthur ar ôl llun  
a delw Duw ei hunan. Os  
wyti debig i Ghrist, cadwedig wyt.  
Os wyti anhebig iddo, yr wyti  
mewn cyflwr colledig. Gwir  
grefydd iw bod yn debig i Dduw  
ynghrist. Nid â neb i mewn i'r  
nefoedd (o ba opiniwn bynnagi  
bont)

bônt) ond y rhai sydd ar ddelw Duw yn y byd. Ag ni fwrir neb i vffern, ond y rhai sydd anhebig i'r Arglwydd. Cyfiawnder iw Duw. A wyt tithau yn gyfiawn vnhob peth, ag yn vniawn yn dy ffyrdd? neu ai byw yn ffals yr wyti mewn rhagrith a chamwedd, yn attal oddiwrth Dduw a dyn ei heiddo. Purdeb iw Duw, A wyt tithau yn sanctaidd ag yn ddigymysg dy feddwl? Doethineb iw'r Arglwydd a Goleuni. Ai doeth ag wybodus wyt tithau yn dy holl ymwareddiad. Yna yr wyt ti yn ddelw i Dduw, ag di geifod gidag ef. Cariad iw Tad yr Arglwydd Jesu, Ai cariadus a hyfryd shawddgar wyt tithau? Mae fo yn dioddef, ag yn cydddwyn, ag yn talu da am ddrwg i bawb. Onid wyti tithau felly, nid wyti blentyn iddo. Ysbryd addfwyn llonydd iw ei ysbryd ef. Ond aflonydd ag anfodlon iw plant y cythrael. Mae

Christ



Christ yn ddiwyd ag yn fywiog,  
 yn ddibaid yn gweithio ag yn rhoi,  
 pob daioni ymhob man heb na  
 huno na heppian. Ai swrth wyti  
 ag esceulus i heb gweithred dda?  
 yna vn o blant y byd hwn wyti, ag  
 nid o Dduw. felly Wrth hyn,  
 Edrych ar ba ddelw yr wyti ag di  
 gei weled wrth hyny i ba le yr  
 wyt ti yn myned byth. Canys yr  
 eneidiau sydd debig i Dduw ym-  
 hob man a gedwir, ar lleill olla  
 gollir, o ba grefydd bynag y bônt.

14. Gwir iw fod rhyfel ynot ti  
 rhwng dwy naturiaeth, neu rhwng  
 dy bechod ath gydwybod. Ond  
 edrych pa vn or ddau iw dy Ar-  
 glwydd, pa vn sydd ben ynot ti, Ai  
 dy lygredigaeth ai yr wybodaeth  
 o Dduw. I ba vn bynag yr wyti  
 yn vfyddhau, i hwnw yr wyti yn  
 was, ag yn ôl dy waith y bydd dy  
 wobr. Os yn dy ewyllys dy hun  
 y byddi fyw, achubed dy ewyllys  
 di wrth farw. Ond os gwadu



a wnei di dy ewyllys dy hun a  
 rhodio yn ewyllys Duw yn erbyn  
 dy naturiaeth dy hun, yna ewyllys  
 Duw ath gyner allan or corph i  
 aros gida Duw ei hunan, Ewyllys  
 yr Hunan iw'r gadwyn gryfaf sydd  
 gan ddiafol o amgylch yr enaid.  
 Ceisied yn nerth croes Christ dorri  
 honno yn gyntaf, a dysgu hebcor a  
 chroesi ei ewyllys ei hunan, ag fe  
 gaiff gyngor ymhellach oddiwrth  
 Dduw. Ond dan hyny os rhoir  
 gair arall iddo mae fo yn i dderbyn  
 neu yn i ddarllen yn ei ewyllys ei  
 hun, ag yn gwyro yr hyn a ysgri-  
 fenwyd iw ddinistr ei hun. Ond  
 yr Arglwydd an catwo ni rhag  
 tramgwyddo wrth y mâen tram-  
 gwydd. *Amen.*

TERFYN.